

山西通志卷第三

山西巡撫都察院右副都御史臣覺羅石麟奉

旨修輯

沿革一

地理之學自裴氏賈氏圖不傳後惟元和志通典爲覈通典曰凡言地理者多矣在辨區域徵因革知要害察風土其論州部曰冀州唐虞之都以餘州所至則是其境曰漢晉并治晉陽曰後魏道武遷都平城太武時得蒲坂曰北齊神武天平末西伐至蒲津後再圍玉壁不克於是河北自晉州之西悉入西魏大抵西則姚襄城洪洞晉州武平關置兵以防周曰大統中西魏得邵郡曰唐於山河形便分爲十道一曰關內道三曰河東道曰魏地分野河東平

國家畫野分疆損益前代其制盡善而歷代沿革抑有宜遞
稽而互覈者爰是綜厥槩略附杜氏通典後以欽贊夏官
職方氏之典司焉志沿革

唐都平陽

虞都蒲坂

舜典肇計有二州
卷之六

荆揚豫梁雍禹治水作貢亦因其舊及舜卽位以冀青地
廣始分冀東恆山之地爲并州其東北醫無閭之地爲幽
州又分青之東北遼東爲冀州而有河內之
地今河東一路是也尚書傳禹治水之後舜分冀州爲幽
州并州正義以境界太遠始別置之馬融曰舜以冀州之
北廣大置并州鄭康成曰舜以冀州南北太遠分衛爲并
晉地理志虞舜表提類而分區宇判山河而考疆域冀北創
并部之名燕齊起幽營之號

竹書紀年帝舜三十三年夏后受命於神宗遂復九州

孔穎達曰

禹登王位
還置九州

陳氏經曰禹貢之作乃在堯時至舜時分九州爲十二州至
夏之世又分爲九州

穀梁傳正義曰冀州者天下之中州唐虞夏殷皆都焉

經濟編禹復并爲九州商因之觀左傳九牧貢金商頌帝命式於九圍可見

爾雅兩河間曰冀州河南曰豫州河西曰雍州漢南曰荊州江南曰揚州濟河間曰兗州濟東曰徐州燕曰幽州齊曰營州 孫炎曰爾雅與禹貢職方皆不同疑殷制 通典殷湯亦爲九州分統天下註冀荊豫雍揚兗徐幽營則禹貢青州也

周禮職方氏掌天下之圖乃辨九州之國使同貫利東南曰揚州正南曰荊州河南曰豫州正東曰青州河東曰兗州正西曰雍州東北曰幽州河內曰冀州正北曰并州

經濟編禹貢之冀兗青徐揚荊豫梁雍夏制也爾雅之冀幽

營究徐揚荆豫雍商制也職方之揚荆豫青兗雍幽冀并周制也

通考秦置郡河東今河東絳郡陝郡之北境平陽大寧文城等郡皆是也上黨今上黨高平樂平陽城等郡皆是也太原今太原西河昌化定襄及鴈門之南境樓煩等郡皆是也代郡今安邊及馬邑之北境皆是也鴈門今馬邑之南境鴈門之北境皆是也雲中今雲中單于府是也

漢武帝置十三部刺史不常所理涼州部五原雲中定襄鴈門幽州部代郡并州部太原上黨西河朔方凡四郡司隸校尉部宏農河內河東

漢并州領郡九兼得雍州之域自上郡以北朔方九原榆林新秦銀川之地胥屬焉

後漢亦爲十三州部 司隸 并治晉陽

魏志建安九年太祖領冀州牧或說宜復古置九州則冀州所制者廣大天下服矣太祖將從之荀彧言曰若是則冀州當得河東馮翊扶風西河幽并之地所奪者衆必人人自恐不得保其土地守其兵衆也願公急引兵先定河北天下大定乃議古制太祖遂寢九州議

魏有州十二 司隸 并

正始八年夏五月分河東之汾北十縣爲平陽郡

晉分十九州部 司州 并治晉陽

晉志并州按禹貢蓋冀州之域舜置十二牧則其一也周禮

正北曰并州其鎮曰恆山春秋元命苞云營室流爲并州分爲衛國州不以衛水爲號又不以恆山爲稱而云并

以其在兩谷之間也漢武帝置十三州并州依舊名不改統太原雲中上郡鴈門代郡定襄五原西河朔方十郡又別置朔方刺史後漢建武十一年省朔方入并州靈帝末定襄雲中五原朔方上郡等五郡並流徙分散建安十八年省入冀州二十年始集塞下荒地立新興郡後又分上黨立樂平郡魏黃初元年復置并州自涇嶺以北并棄之至晉因而不改

惠帝改新興爲晉昌郡及永興元年并州之地皆爲劉元海所有元海乃以雍州刺史鎮平陽幽州刺史鎮離石及劉聰攻陷洛陽置左右司隸各領戶二十餘萬萬戶置一內史凡內史四十四人又置殷衛東梁西河陽北兗五州以懷安新附劉曜徙都長安其平陽以東地入石勒勒平朔

方又置朔州自惠懷之間離石縣荒廢勒於其處置永石
郡又別置武鄉郡及苻堅姚興赫連勃勃并州竝徙置河
東又姚興以河東爲并冀二州云

後魏都平城

隋開皇二年廢諸郡尋以戶口滋多析置州縣煬帝改州爲
郡置司隸刺史

唐貞觀元年分十道 關內宏農五原西河雲中之境 河

南漢宏農境 河東古冀州之域漢河東太原上黨西河

鴈門代郡及鉅鹿趙國常山廣平國之地河北參有河東

上黨地

唐因山川形便分道蓋太宗經畫區宇之樞要也

開元中置河東採訪處置使治蒲州

宋地理志太宗分十五路仁宗析十八路神宗析二十三路

河東今山西之太原平陽二府澤潞汾遼沁五州陝西之葭州及吳堡神木府谷三縣 陝西永興軍路今河南之陝州山西之蒲解二州及平陸縣

置河東路經略安撫使以太原守臣兼領

宋河東路蓋禹貢冀雍二州之域而冀州爲多其地東際常山西控党項南盡晉絳北控雲朔太宗平太原慮其恃險徙州治焉然猶爲重鎮屯精兵以控邊鄙云

遼 西京道

金 西京路 河東北路 河東南路

元地理志唐以前以郡領縣而已元則有路府州縣四等大率以路領州領縣而腹裏或有以路領府府領州州領縣者其府與州又有不隸路而直隸省者

河東山西道乃腹裏也故冀寧諸路直隸省部

置河東山西道宣慰使司於大同河東山西道肅政廉訪司於冀寧

明置山西等處承宣布政使司領太原平陽大同潞安四府澤汾沁遼四州置山西都指揮使司領太原左太原右太原前振武平陽潞州鎮西七衛保德州寧化沁州汾州四所又置山西行都指揮使司領大同前大同後大同左大同右天城陽和鎮 玉林高山雲川朔州威遠安東中屯十三衛山陰馬邑二所置山西等處按察司分冀寧冀南冀北河東等四道兼察諸府州衛所三司竝治太原而行都司則分治於大同萬歷二十三年改汾州爲府山西始領五府三州

國朝因之康熙四年裁冀南冀北道雍正二年析太原之平定忻代保德平陽之解絳吉陽爲直隸州以壽陽等縣分隸三年改置朔平寧武二府設右玉等縣六年陞澤蒲二州爲府設永濟鳳臺等縣而以大同府屬之蔚州歸直隸宣化府其廣靈等三縣仍隸大同八年又析蒲州府臨晉縣之南境設虞鄉縣於是山西省總領九府十州分治州縣九十有六

太原府地表

總部

郡國

州縣

唐

冀州

虞

并

夏商

冀

周

并

晉

晉陽

涂水

陽和

梗陽

平陵

秦

太原郡

趙

晉陽

梗陽

榆次

漢

并

太原郡

晉陽

榆次

狼孟 鄔

陽曲 大陵 祁 陽邑

鴈門郡

樓煩

後漢

并州

太原郡

晉陽

榆次

狼孟 鄔

陽曲 大陵 祁 陽邑

魏

太原郡

晉

并州

太原國

晉陽

陽曲

榆次 狼孟

陽邑 大陵 祁 鄔

北魏

并州

太原郡

晉陽 祁榆次 鄆受

長安 陽邑

肆州

永安郡

陽曲

朔州

寄治并州界

大安郡

廣寧郡

神武郡

太平郡

附化郡

雲州

永熙中寄治并州界

盛樂郡

雲中郡

建安郡

真興郡

蔚州

永安中寄治并州鄆縣界

始昌郡

忠義郡

附恩郡

北齊

并州省

後周

并州總管府

隋

冀州

太原郡

晉陽 太原 交城 汾陽

文水 祁 榆次 太谷

樓煩郡

嵐城 臨泉

唐

北都

河東道

太原府

太原 晉陽 太谷 祁

文水 榆次 清源 交城

嵐州

陽曲 宣芳 合河 嵐谷

五代

後梁屬晉

河東軍節度

并州

後唐 西京 北京

後晉 河東軍節度

宋 河東路 太原府

陽曲 太谷 榆次 交城

文水 祁 清源 平遙

大通監 永利監 嵐州 寧

合河 樓煩 岢嵐軍 嵐谷

金 河東北路 太原府

河東軍總管府

陽曲 太谷 平遙 清源

徐溝 榆次 祁 文水

交城

嵐州 宜芳 高 樓煩

岢州 嵐谷

元 河東山西道

肅政廉訪司

冀寧路

總管府

陽曲 文水 平遙 祁縣

榆次 太谷 清源 交城

徐溝

興州 嵐州

明

山西布政司 太原府

陽曲 太原 榆次 太谷

祁 徐溝 清源 交城

文水

岢嵐州 嵐縣 興縣

國朝

山西布政司 太原府

陽曲 太原 榆次 太谷

祁縣 清源 徐溝 交城

文水 岢嵐州 嵐縣 興縣

太原府

上古金天氏之裔子曰臺駘肇居太原

杜預左傳註太原晉陽也臺駘所居陶